

DI SE MO

1 Di še Nan wuri le den ki yil.
2 Yil ni ni a bi di bu, ni fi zak; pe di jurun
ni a ko jir: Rin ki Nan wuri lan ka am
ni. **3** Nan wuri sat ne, Wu yit ku peban
ni di; dan peban ni di. **4** Nan wuri na
peban ni, ne ni a di ret: Nan wuri bak
peban ki ko mo. **5** Nan wuri pet peban
ni a pus, wuri pet ko ni a par. Kansigin
ni cin, bit ni cin, a ši mindon disi.

6 Nan wuri sat ne, Wu yit ku me pe
di agak ni de anar am mo, wu yit ku ni
bak am mo ki am mo. **7** Nan wuri le pe
di agak, wuri bak am di mo der pe di
agak ki am di mo aden pe di agak: dan
ni cin asi. **8** Nan wuri pet pe di agak ni a
denan. Kansigin ni cin, bit ni cin,
a ši di vul disi.

9 Nan wuri sat ne, Wu yit ku am di
mo der denan mo kur aşak digin pe

mindon, ku dihir ni put di: dañ ni cin asi. ¹⁰ Nan wuri pet dihir ni a yil, pe di am mo kur aşak wuri pet ni a bahar: Nan wuri na mini ne ni a di ret. ¹¹ Nan wuri sat ne, Wu yit ku yil ni ka şit, dem di ni put ki cirem ki tiñ mo di mo la la şı ni şı ni, di cirem furu ni digin la furu, ka yil ni: dañ ni cin asi. ¹² Yil ni ka şit, dem ni put ki cirem şı ni şı ni, ki tiñ di mo la la, di cirem furu ni digin la furu, şı ni şı ni. Nan wuri na mini ne ni a di ret. ¹³ Kansigin ni cin, bit ni cin, a şı di kun disi.

¹⁴ Nan wuri sat ne, Wu yit ku bi bañ pe mo di digin pe di agak aden ku mo bak pus ki par; wu yit ku mo de pe şeda mo ki par mo ki şı mo ki bit mo: ¹⁵ Wu yit ku mo de bi bañ pe mo digin pe di agak aden, pe ku mo le pe di bañ a yil: dañ ni cin asi. ¹⁶ Nan wuri le bi bañ pe di des mo vul, meme di ni des met ku ni lap di des ka pus, ki meme di ni a di le met ku ni lap di des ka par: wuri le zar mo zak. ¹⁷ Nan wuri le mo digin pe di agak

aden, pe ku mo le pe di baᅇ a yil, ¹⁸ ku mo lap di des ka pus ki par, ku mo bak pebaᅇ ki ko mo: Nan wuri na mini ne ni a di ret. ¹⁹ Kansigin ni cin, bit ni cin, a şı di fer disı.

²⁰ Nan wuri sat ne, Wu yit ku am mo gam şı bi di mo tuᅇ pe di mo men, wu yit ku yer mo piyer aden yil ni digin pe di ni agak aden. ²¹ Nan wuri le luwa di nan mo di mo digin bahar, ki bi di men di ni tuᅇ pe jir, di am mo la mo des, şı ni şı ni, ki yer di mo cap mo jir şı ni şı ni: Nan wuri na mini ne ni a di ret.

²² Nan wuri le di ret ka mo, wuri sat mo ne, Wu la la wu yahal wu den des, wu gam am di mo digin bahar mo, wu yit ku yer mo yahal den des digin yil ni.

²³ Kansigin ni cin, bit ni cin, a şı di pat disı.

²⁴ Nan wuri sat ne, Wu yit ku yil ni ni la luwa di men mo şı ni şı ni, niᅇ mo ki bi di mo mwan a yil ki luwa di a yil mo şı ni şı ni: daᅇ ni cin asi. ²⁵ Nan wuri le luwa di mo a yil ni şı ni şı ni, ki niᅇ mo

ši ni ši ni, ki bi mo jir di mo mwan a yil
 ši ni ši ni: Nan wuri na mini ne ni a di
 ret. ²⁶ Nan wuri sat ne, Wu yit ku mu
 le gurum ka mise funu, ka sun funu: wu
 yit ku mo lap miškaham ka pupwap
 di mo but bahar, ki ka yer di aden
 mo, ki ka niñ mo, ki ka yil ni jir, ki ka bi di
 ni mwan a yil jir. ²⁷ Nan wuri le gurum ka
 mise firi, ka mise ki Nan wuri le wuri: miş
 ki mat wuri le mo wet. ²⁸ Nan wuri le di
 ret ka mo: Nan wuri sat mo ne, Wu la la,
 wu yahal wu den des, wu ba gam yil ni,
 wu lap di des ka ni; wu lap miškaham ka
 pupwap di mo but bahar, ki ka yer di
 mo aden, ki ka bi di men di mo mwan a
 yil jir. ²⁹ Nan wuri sat ne, Wan kin cin
 wun dem di mo put ki cirem jir, di mo
 ka yil ni jir, ki tiñ mo jir di mo ki la tiñ
 mo digin but furu, di mo put ki cirem, wu
 lap mo pe se fuwu: ³⁰ luwa di mo a yil
 ni jir, ki yer di mo aden jir, ki bi di mo
 mwan ka yil ni jir, di mo ki sen, wan kin
 cin şit di brak mo pe se furu: dañ ni cin
 asi. ³¹ Nan wuri na bi di wuri le mo jir

ne, ni a di ret zam jir. Kansigin ni cin, bit ni cin, a şı di peme disi.

2 Asi dennan ki yil mo kiyes, ki bi di digin mo jir. ²Şı di povul Nan wuri sigit dak firi di wuri cin ni jir: wuri nok şı di povul pe dak firi jir di wuri cin mini. ³Nan wuri le di ret ka şı di povul, wuri le ni a di bañ, pe di par mini wuri nok pe dak firi jir di wuri le mini, wuri cin mini.

⁴Disi mo a mise ki dennan ki yil par di mo le mo, par di Jihova Nan wuri le yil ki den. ⁵Ba me pumbwan di digin yil ni kas, ba me dem di kas, ni kudi, pe di Jihova Nan wuri le ku fwan ni ta ka yil ni kas, ba me gurum di kas zak ku wuri sak mar a yil ni: ⁶amma me vun ni put digin yil ni, ni lok ka yil ni jir. ⁷Jihova Nan wuri le gurum şı diyas ki yil ni, wuri nok nok ki sen digin pihisin firi, gurum wuri den a rin di kat sen disi. ⁸Jihova Nan wuri le me boñ kohop pus ka, digin Adnin: wuri le gurum di wuri

le wuri a pe ni. ⁹ Jihova Nan wuri le ku tiñ mo jir mo ka digin yil ni, tiñ di mo ret *gurum* yit, di mo ret se firi zak; tiñ ki sen ni di zak anar boñ ni, ki tiñ ki man bi di ret ki bi di biş. ¹⁰ Duñ ni put digin Adnin pe lok boñ ni; ni bak fer a pe ni, ni den duñ mo fer. ¹¹ Sum ki di se ni a Fişona: ni a mini di ni ner yil Hawila jir, pe di zinariya ni di: ¹² zinariya ki yil disi ni a di ret: a pe ni bdellium ni di, ki hik di mo pet ni oniks. ¹³ Sum ki duñ di vul ni a Jihon: duñ di ni ner yil Kuş jir a disi. ¹⁴ Sum ki duñ di kun ni a Hiddakalu: duñ di ni atilen Aşura a disi. Duñ di fer di a Affuratu. ¹⁵ Jihova Nan wuri mañ gurum ni, wuri le wuri digin boñ Adnin pe sak ni ki kiyer ni. ¹⁶ Jihova Nan wuri le po ka gurum ni, wuri sat ne, Ko tiñ didanye di ni digin boñ ni, a se ni kawe, ¹⁷ amma tiñ ki man bi di ret ki bi di biş taji a se mini kas: pe di par di woha se mini azen zen a mut disi.

¹⁸ Jihova Nan wuri sat ne, Ba ni ret ku

gurum wuri toṅ mişin kas: wan le bi bam wuri di ni mak wuri zak. ¹⁹ Şi yil ni Jihova Nan wuri le luwa di mo a yil jir, ki yer di mo aden jir: wuri ji mo pe gurum ni di, ku wuri na sum di wuri pet mo dişik: ko bi didanye di gurum ni wuri pet bi di men jir, a mini a sum furu. ²⁰ Gurum ni wuri cin sum niṅ mo jir, ki yer di mo aden, ki luwa di mo a yil: amma pe gurum ni ba mo kat me bi bam wuri di ni mak wuri kas. ²¹ Jihova Nan wuri le ku sam di des ni ya gurum ni, be wuri sam: wuri maṅ me diyes tuhur firi mindon, wuri kup luwa ni a pe ni: ²² şi diyes tuhur ni, di Jihova Nan wuri maṅ digin gurum ni, wuri le mat, wuri ji wura pe gurum ni. ²³ Gurum ni wuri sat ne, Disi a diyes ki diyes fina mo, ki nan ki nan fina: mo pet wura a mat, pe di mo maṅ wura digin miş ni. ²⁴ Pe mini gurum wuri yit pun firi ki nigin firi, wuri bal aşak ki mat firi; mo den a nan di mindon. ²⁵ Mo a gum wet, miş ki mat firi, ba yit luwan cin mo kas.

3 Wo wuri kat sen met luwa di mo a yil di Jihova Nan wuri ki le mo jir. Wuri sat mat ni ne, Azen zen Nan wuri ki sat wun ne, Taji wu se tin di mo digin bon ni jir kas me? ² Mat ni wura sat wo ni ne, Mu mak se la ki tin mo di mo digin bon ni; ³ amma la ki tin di ni anar bon ni, Nan wuri sat ne, Taji wu se ni kas, taji wu tuwas ni kas, se wu mut. ⁴ Wo ni wuri sat mat ni ne, Ba wun wu mut kas: ⁵ pe di Nan wuri man ne par di wu se mini, dan be yit fuwu mo wan, wu de ka Nan disi, ku wu man bi di ret ki bi di bis. ⁶ Kadi mat ni wura na ne tin ni ret se, ni ret gurum yit zak, har mo ribet ni pe ku mo kam sen di, wura man pak la tin ni, wura se ni: wura cin mis fura zak asak ki wura, be wuri se ni. ⁷ Yit furu mo wet mo wan di, mo man ne mo a gum: mo tan kom kon asak, mo cin banti pe sut furu. ⁸ Mo kilin do ki Jihova Nan di wuri dun mwan digin bon ni di pe dun zuhum kansigin: gurum ni ki mat firi mo sok sut pu Jihova Nan anar tin di mo digin

bon ni. ⁹ Jihova Nan wuri pet gurum ni,
 wuri sat wuri ne, Woha a niye? ¹⁰ Wura
 sat ne, Wan kilin do foha digin bon ni,
 wan kirmut pe di wan a gum; dan wan sok
 san fina. ¹¹ Wuri sat ne, A we sat woha
 ne woha a gum ye? Woha se pak tin di
 wan sat woha ne taji a se mini kas me?
¹² Gurum ni wuri sat ne, Mat di woha cin
 an ku wura ton asak ki wan, wura cin
 pak tin ni an, dan wan se. ¹³ Jihova
 Nan wuri sat mat ni ne, A me bi disi di
 wi ki cin ye? Mat ni wura sat ne, Wo
 wuri num wan, dan wan se. ¹⁴ Jihova
 Nan wuri sat wo ni ne, Pe di woha ki cin
 bi disi, woha de a bi fulup met nin mo jir,
 ki met luwa di mo a yil jir; si but foha a
 mwan, woha se diyes sidar sidar har
 woha mut: ¹⁵ wan le ku wun ki mat ni
 wu de a sarlek asak, cirem foha ki cirem
 fura mo de a sarlek asak: mini tu ka
 foha, woha tu jen si firi. ¹⁶ Wuri sat mat
 ni ne, Wan le ku jel pe la la fi ni den a
 di des; wi la la si jel, diyen fi ni a pe mis
 fi, dan be wuri lap mishaham ka wi disi.

¹⁷ Wuri sat Adamu ne, Pe di wohā kilin do ki mat foha, wohā se pak tin di wan sat wohā ne, Taji a se mini kas; yil ni de a bi fulup pe wohā; ši jel wohā lap se ki ni šidar šidar har wohā mut; ¹⁸ ni la la hir ki kultum pe wohā: wohā se dem ki yil ni; ¹⁹ ši wun ki pukiyeŋ foha a se as foha, har wohā ba pe yil ni: pe di mo maŋ wohā digin ni yam: pe di wohā a diyes, a pe diyes wohā ba di zak. ²⁰ Gurum ni wuri pet sum ki mat firi a Hawa'u, pe di wura a nigin ki yem di mo men jir. ²¹ Jihova Nan wuri cin kilap šim pe Adamu mo mat firi, wuri pa mo.

²² Jihova Nan wuri sat ne, Yaksi gurum ni wuri de ka meme digin mun ku wuri man bi di ret ki bi di biš; yaksi taji wuri zan sar firi kas, be wuri maŋ pak tin sen ni zak, ku wuri se, daŋ wuri de naŋa: ²³ pe mini Jihova Nan wuri put wuri digin boŋ Adnin, pe ku wuri sak mar a yil di mo maŋ wuri digin ni. ²⁴ Asi wuri cen gurum ni: wuri le Cerubim kohop pus ka ki boŋ ni, ki kwai di ni wus, di ni cahir ar mo jir, pe tap ar ki tin sen ni.